

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik

Broj: 02-02-439/15
Teočak, 27.02.2015. godine

Na osnovu člana 43. Statuta općine Teočak ("Službeni bilten Općine Teočak", broj: 5/08 i 12/12), Zakona o javnim nabavkama ("Službeni glasnik BiH" broj: 39/14), a u skladu sa Budžetom općine Teočak za 2015. godinu, Općinski načelnik donosi:

ODLUKU
o usvajanju Plana nabavki općine Teočak za 2015. godinu

I

Općina Teočak, kao Ugovorni organ iz člana 4. Zakona o javnim nabavkama, utvrđuje stvarne potrebe za nabavku radova, roba i usluga u kalendarskoj 2015. godini.

U skladu sa Budžetom za 2015. godinu, a sa ciljem osiguranja svega što je potrebno za djelokrug rada Ugovornog organa, donosi se Plan nabavke, koji sadrži podatke o predmetu nabavke, procijenjenu vrijednost nabavke, izvorima finansiranja, vrsti postupka, planiranom početku i završetku postupka, i vremenu zaključenja istog.

II

Ugovorni organ zadržava pravo u slučaju obrazloženog zahtjeva zasnovanog na odredbama Zakona o javnim nabavkama da promjeni vrstu postupka i procijenjenu vrijednost nabavke na temelju obrazloženja zasnovanog na ekonomskim i drugim pokazateljima, kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu sa izmjenjenim okolnostima i sl.

III

Za sve nabavke predviđene Planom nabavke obavezno je donošenje odluke o pokretanju postupka nabavke u formi i sadržaju u skladu sa članom 18. Zakona o javnim nabavkama. Sredstva predviđena za neplanirane nabavke mogu se koristiti na temelju pojedinačne odluke koja se zasniva na obrazloženom zahtjevu o nužnosti i utemeljenosti nabavke koja se nije mogla predvidjeti u vrijeme donošenja Plana nabavki, u slučaju ovakve situacije ugovorni organ zadržava pravo da naknadno izvrši dopunu Plana javnih nabavki.

IV

Plan nabavki objavit će se na web stranici Ugovornog organa, www.opcinateocak.ba.

V

Plan nabavke za 2015. godinu je prilog ove Odluke i čini njen sastavni dio.

VI

Ova Odluka se objavljuje u “Službenom biltenu općine Teočak” a primjenjuje od dana donošenja.

Dostavljeno:

1. Službe općine Teočak
2. web stranica općine Teočak
3. Službeni bilten općine Teočak,
4. Arhiva

OPĆINSKI NAČELNIK

Tajib Muminović sr.